



Inatsisartut suleriaasianni § 37 imm. 1 najoqqutaralugu Naalakkersuisunut imaattumik apeqquteqarpunga:

1. DHC-8 timmisartut marluk Maritime Domain Awareness (MDA)-mut allanngortinneqarlutik atorneqalerpata, DHC-8 timmisartut qassit nunap iluani nalinginnaasumik ilaasunik nassiussanillu angallassinermut atorneqarsinnaanissaat Naalakkersuisut paasisutissiissutigisinnaavaat?
2. Naalakkersuisut saqqummiussinnaavaat misissueqqissaarnerit, piginnaasatigut naatsorsuutit, allatigulluunniit nalilersuinerit kiisalu aalajangiinnermut tunngaviusut allat, uppernarsaasut DHC-8 timmisartut marluk MDA-mut atorneqalernerisa nunap iluani timmisartuussinermut, timmisartukkut nassiussanik assartuussinermut aammalu pilersuinermik isumannaatsuunermut ajorseriaateqassannginnerannik?
3. Isorliunerusunut nioqqutissanik nillataartunik naatitanik poortukkanillu nassiussuinissamut DHC-8 naleqqutuunngineri peqqutigalugit sineriammut silaannakkut assartuinerup ilungersunartuunera Naalakkersuisut qanoq isumaqarfigaat? Tanatuma ilungersunartuunera pillugu aaqqiiffiginiarlugu Naalakkersuisut iliuuseqalersaarpat?
4. DHC-8 timmisartut marluk MDA-mut atorneqartillugit, teknikkikkut ajoquteqartoqartillugu, pilersaarutaasumik aserfallatsaaliinnermut atatillugu, sila pissutigalugu imaluunniit ingerlatsinerimi akornuteqartoqartillugu, Naalakkersuisut qanoq ilillutik sillimmatitut timmisartuussisinnaanissaq qulakkeerniarlugu pilersaaruteqarpat?
5. Naalakkersuisut nalilerpaat MDA-programmi saniatigut Qaanaamut, Upervimmut, Qaarsunut, Sisimiunut, Maniitsumut, Paamiunut, Qaqortumut, Tasiilamut kiisalu illoqarfinnut allanut DHC-8-mik kiffartuunneqartunut ilaasunik angallassinermut, timmisartukkut nassiussanut aammalu nassiussat apuuttarnerannut qanoq sunniuteqassanersoq Naalakkersuisut qanoq piareerimaffigaat qanorlu piareersaateqartoqarpa?
6. Timmisartukkut nassiussat uninngasuutilinnginnissaat, kiisalu allakkat, nakorsaatit, inuussutissat, atortut kinguaartissat pisariaqartinneqarut pisariaqartinneqartullu allat piffissaq eqqorlugu apuuttarnissaat qulakkeerniarlugu Naalakkersuisut suut aalajangersimasumik iliuuseqarniarpat?



7. Naalakkersuisut pilersaaruteqarpat timmisartunik amerlanerusunik pissarsinissamut imaluunniit allatigut timmisartuussinermut piginnaasanik annertusaanissamut, taamaalilluni nunap iluani ilaasunik angallassineq aammalu timmisartukkut nassiussanik assartuussineq pitsanngorsarneqarsinnaaqqullugu iliuuseqartorniarpas?
8. Naalakkersuisut nunap iluani timmisartuussinermut tunngatillugu sullissinermut anguniagaat suut aalajangersimavaat, matumani ilanngullugit piffissamik eqqortumik timmisartuussisarneq, timmisartukkut nassiussat apuuttarnerat kiisalu pilersuineramik isumannaassuseq?
9. Naalakkersuisut siunissaq ungasinerusoq isigalugu nunap iluani timmisartuussinermut ataatsimut periusissiamik suliaqarpat? Taamaappallu killiffik saqqummiussinnaavaat?, tassanilu ilanngullugit timmisartunik pisariaqartitsineq, sillimmatitut atorneqarsinnaasut, timmisartukkut nassiussanik/usinik assartuussinermut piginnaasat kiisalu illoqarfiit nunaqarfiillu siunissami qanoq kiffartuunneqarnissaat pitsanngorsarniarpaat?

(Inatsisartunut ilaasortaq Jens NapâtôK', Naleraq)

Tunuliaqut

Air Greenland nalunaarpoq DHC-8 timmisartut marluk Maritime Domain Awareness (MDA)-mut allanngortinneqassasut, imartanik nakkutilliinermut, ujarlernerimut annaassiniarnermullu kiisalu oqartussaasut suliaasaannik allanik atorneqarnissaat siunertaralugu. DHC-8 timmisartut Kalaallit Nunaanni nunap iluani timmisartuussinermi pingaaruteqarlunnarput. Illoqarfiit nunaqarfiillu amerlasuut eqqarsaatigalugit taakku ilaasunik, napparsimasunik, allakkanik, nakorsaatinik, inuussutissanik, atortunik kingoraartissanik kiisalu inuussutissarsiornermut pisariaqartunik assartuussinermi pingaarutilerujussuupput. Ukiuni kingullerni innuttaasut inuussutissarsiortullu timmisartuussinerit kinguariartornerinik, angallassinissanik unitsinneqartarnerinik kiisalu timmisartukkut nassiussat uninngasuutilerinik misigisaqartarsimapput, ilaatigut tekniikkikkut ajornartorsiutit, sila pissusaa aammalu timmisartunik sillimmateqarnerup killegarnera assartuutinillu naleqquttunik peqannginnera pissutigalugit. Taamaattumik Inatsisartut paasisaqarnissaat pingaaruteqarpoq MDA-programmi nunap iluani timmisartuussinermut aammalu pilersuineramik isumannaatsuunermut qanoq sunniuteqassanersoq, kiisalu Naalakkersuisut qanoq



pilersaaruteqarnersut, innuttaasut inuussutissarsiortullu nunami tamarmi tatiginartumik patajaatsumillu timmisartuussinermik kiffartuunneqarnissaat qulakkeerniarlugu.

Apeqqutigineqartut ullut suliffiusut qulit (10) iluanni akineqareersimanissaat piumasarineqarput.

Nutsernerani paatsuungasoqassatillugu kalaallisut allassimasoq aallaavigineqassaaq.